



修武文史資料

第五輯

中国人民政治协商会议修武县委员会
文史资料研究委员会

一九八九年十二月

14

前 言

修武县历史悠久，文化发达，名人辈出，尤其是近、现代，各界著名人物荟萃，为修武大地增添了光彩。本辑汇辑的人物史料，就是这方面的一个缩影。有些人物的史料，由于种种原因搜集困难，未能编入本辑，欢迎各界人士惠赐资料，俟后陆续编印。

《双柳老人年谱》是张庐卿先生的自撰年谱。他名鸿声，字庐卿，号双柳老人，修武县张延陵村人。他是修武县近代著名的教育家，也是一位反帝爱国者，他勇于革新，著述甚丰。《年谱》不仅真实地记载了他一生从事教育的业绩，也反映了当时修武县的一些情况。该年谱原载在台湾出版的《张庐卿先生遗著》一书中，经多方辗转，传入大陆。本会认为，这是一份难得的珍贵史料，特予以全文转载，以飨读者。

本辑除《双柳老人年谱》因体例特殊置于卷首外，其他人物均以逝世时间先后次序排列。

目 录

双柳老人年谱·····	张庐卿 (1)
维护修武矿权的秦永年·····	毛成身 (25)
王印川的政治生涯·····	张润三 (28)
许邦彦先生传略·····	刘观臣 张炳奎 张海涛 (49)
我所知道的宋子协·····	赵作正 (52)
国画家薛保职·····	薛朝猷 (64)
修武县第一位留美学生毋本敏·····	吕保平 (65)
翟韶武先生生平概述·····	翟国杰 (69)
薛楹之对林业科研的贡献·····	薛玉娥 (72)
张孟钦和修武女子教育·····	姜秀英 (75)
河南小麦专家刘祝宜·····	刘永念 (78)
著名历史学家张侯生·····	张亮夫 (82)
周中孚和他的《黄河万里图》·····	王曼如 (85)
河南妇女运动的先驱周筱沛·····	毛成身 (89)

双柳老人年谱

张 牖 卿

同治六年、丁卯、一岁。九月十一日辛酉、辰时生。

七年、戊辰、二岁。

八年、己巳、三岁。

九年、庚午、四岁。

十年、辛未、五岁。

十一年、壬申、六岁

十二年、癸酉、七岁。十月初二日，二弟月川生。

十三年、甲戌、八岁。从先考紫轩府君在家塾读书，开蒙即授以唐人五言古诗，皆抄录。先祖星联府君年五十餘，经商山西太谷。每还家必呼余进食，食毕，教以进退仪节，皆敬守之。日侍三餐。或讲孔门弟子言行，或讲古贤孝义故事，以为常课。

光绪元年、乙亥、九岁。先君就馆武陟小原村张子彪家，携余随读。张焕辰兄聪颖特达，后中癸卯举人，官广西知县。

二年、丙子、十岁。仍随先君在小原村。四子书毕，次读诗经、

三年、丁丑、十一岁。先君开塾宗祠，余附读焉。是年大

早，自四月初一日小雨半犁，迄年终无雨。冬月闻城中放赈，先母与先伯母往，赤手归，盖人多拥挤，非攘臂强进不得前，两母宁归而死，不肯失体统也。

四年、戊寅、十二岁。是年大荒，人相食。止月某日，无风而黄尘弥天，下落如雨者二日，地面积土可二寸许。吾家廿余口，日无度用，先祖焦急异常，遂得疯疾，日夜走呼，阖门无计，乃议分爨，各自求活。先祖持家有道，内外无间言，一闻析居，全家相抱大哭，然无如何也。四月十六日先祖去世。先是二月二十七日得雨犁许，而疾疫大起，往往数十家同卧。五月初一日，大雨一昼夜，野禾遍地，赖以收获，亦异事也。七月二十四日，沁河决于老龙湾，吾村正当水冲，街衢水深七八尺，屋庐大半淹没，次日方落。此时家无片瓦，寓宗祠中。

五年、己卯、十三岁。从先君读于武陟任徐店。诗经甫毕，继读书经。

六年、庚辰、十四岁。仍在任徐店读书。始学做八比文。正月，妹氏生。

七年、辛巳、十五岁。先君移馆南孟村田家，余亦从读。易礼始成诵。二弟始入学。

八年、壬午、十六岁。先君移馆范村刘家，余仍从读。同学有刘聘臣（名家珍、诸生）刘季韩（名家琦、廪生）陆子朱（名麟级，武陟人，壬寅癸卯并科举人）等。八月二十九日三弟甄庵生。十月，先君招里人挽车运土，培垫房基，劳苦不堪，呕血升餘。

九年、癸未、十七岁，随读范村。始学诗赋古体诸作。

十年、甲申、十八岁，仍随读范村。应试文始有眉目，

先君不轻令出考也。三月初八日，娶孺人李氏。成婚时方究心学业，若不知有男女事者，人皆笑为书痴。

十一年、乙酉，十九岁，仍读书范村、同学邢介臣，已入邑庠，志在深造，醇笃君子也。尝劝余学桐城派文。十月，应本县童子试。五月十五日，四弟羽丰生。

十二年、丙戌、二十岁，正月应府试，四月应院试，以第一名入学。仍从先君读书南睢村柴家。时方醉心于八家文，先君劝习举业，不愿也。

十三年、丁亥、二十一岁，设帐于北睢村，学生九人皆碌碌，独王生良佐聪慧可造。宗人艺圃先生亦在此授徒。先生温雅，笃于易，遇事有先见之明。适邻村演剧，放假令学生往观。先生谓余曰，教书不可令学生观剧。若东君自请，则令学生往、自己亦不可往也。余闻言悚然，自此二十年未尝观剧。是秋大雨，沁河岌岌将决。八月十二日，率里人巡河，夜宿堤上草舍，中宵起视，皓月如画，洪流汹涌，浪骇涛惊，枚乘所赋广陵潮不啻是矣。明日杨桥决口，涨势遽下。二十七日五弟鸣皋生。

十四年、戊子、二十二岁，仍设帐北睢村。八月赴秋闱，不售。拜李亦超先生改课。先生好佛学，所为诗多澈悟语。於其案间获见吴京卿大澄吉林勘界及收抚韩效忠事略，因叹曰：丈夫许国不当如是耶？

十五年、己丑、二十三岁，仍在北睢村。友人王价如设帐于此，过往论学甚密。价如以所录宋明诸儒语录见示，始欣然有理学意趣。时录先正教规作诸弟座右铭。是年德宗亲政。二月丁丑朔长女思柔生。三月，旱象已重，人民误以火

相惊，拟一防匪策欲上之当道，未果。秋大雨兼旬，沁河几再决。

十六年、庚寅、二十四岁，馆于周流薛家。父执李协助先生设帐于里，游其门者多英俊士。先生之学一遵程朱。其教人以砥身砺行为第一义。余方幸得晋接君子之光，而先生竟于九月逝世，往哭之痛，几不能起。是年先君与先叔析居，以细故争执不休。余即请乡先辈排解，又作花萼楼赋以讽，遂和好如初。

十七年、辛卯、二十五岁，仍馆周流村。新正朔旦公祭始祖毕，宗人以祠宇倾圯，无以妥先灵、议举副族长以董工事。余膺选悬辞，宗人叩请不已，乃以兴工自任。自清明节率宗人动工，阅两月蒧事。八月再赴秋闱不售。

十八年、壬辰、二十六岁，仍馆周流，新乡田香圃先生主讲宁城书院，见余课艺重之，遂谒而受教焉。先生工於诗赋，其饭后钟、乞巧诸赋尤新颖警策，开人意智。三月，先母重病，归侍汤药二十余日乃瘳。

十九年、癸巳、二十七岁，移馆大韩村张月亭家。月亭学以白沙阳明为宗，豁达警悟，时时自责改过，与余相提携。余足不逾阈者三月。学生乐余和易，亦相爱如家人父子。年终，月亭于束修外另致朱提四流，不受。月亭感于吾之临财有义也，益加亲奉，即其家人妇孺亦视我如骨肉也。是年德宗大婚，覃恩开科，未赴。

二十年、甲午、二十八岁。正月十六日甲午，长男价庠生。坠地时，先君闻异香满院，三日洗儿又然，因命儿曰香生。本年仍馆大韩村。月亭出所作来瞿塘太极图铭辞相示。铭曰：作恶者殃，积善者昌；呜呼小子，箴尔莫忘。余寻是

图甚有味。范乃璠及二弟月川均来受业，时时以正学相勸，有枕边箴、止水吟诸作。六月飞蝗入境，邑侯潘洁泉先生(名守廉，山东济宁人，举人，历武陟南阳，政声甚著)率吏民捕蝗，鸡鸣而出，昏暮始归，如此者四十九日，蝗竟不成灾。有捕蝗歌之作。秋闱临迩，潘侯举宾兴大典，极赏余作，然又不售。自此灰心功名，置应试文于高阁，益购求宋明诸儒书，得二曲，泮川诸集及四书反身录读而爱之，遂踏入理学家途径。

二十一年、乙未、二十九岁。仍馆大韩村。三月，提学使者徐又稚先生至怀，派余讲书。向例撤签讲书均奉为故事。余讲君子有三乐章，发明鹿忠节公‘说约’宗旨，深为又稚先生所激赏，遂补廩膳生。二弟亦入郡庠。自是作文直抒己见，不拘绳尺。读鹿忠节‘寻乐大旨’至修己治人分不开之义，恍然悟曰：今吾以授徒为职，治人是责任，但使人人得所，治人即所以修己，其即曾子所谓一贯乎。自后专以课徒为功夫，而四方从学者亦日众矣。读戒慎不睹二语，以为不睹不闻，只是精神有贯不到处，便以疏漏而有所离。故君子恐惧戒慎防其忽略最谨。若如紫阳所云，殊有不可捉摸之处，非所谓平常之理矣。三弟甄庵好负气，为书一联云：“不如意处只一忍，将动气时再三思”。

二十二年、丙申、三十岁，仍馆大韩村。新生有姬振邦、南玉笙、薛陈义等。陈义以府试第一入泮。张生高清入夜读书好偷眠，为一绝句书其灯映云：“只缘影烛太辉煌，装此团圞映灯光。谁料书生不解意，却从阴处梦黄粱”。

二十三年、丁酉、三十一岁，仍馆大韩村。新生有武继昌、崔寅生等二十余人。每日黎明即起，向至圣行礼毕，默

坐半小时，然后命诸生作业。并命诸生写日记以考言行。是岁应选拔试仍不售。或问以训徒之方，答之曰：无他巧术。只是实心爱护，一颗心、一张嘴、谆谆不倦，如老母鸡之覆卵，一时一刻，不使泄亮，一饮一啄，不稍疏忽，则自然各有成就矣。

二十四年、戊戌、三十二岁，仍馆大韩村。得李次清先生正是略。备悉清代经学如顾复初之春秋大事表，毛西河之四书改错皆出宋明诸儒之上。读孟子告子义内义外之辩，觉其各得一偏。夫以吾心研判事理，其动机在方寸，其着落处在事物，酌夺处当，是之谓义，原不可以外内言。二子舌蔽唇焦，终无当也。是岁德宗用康梁变法，一时风气趋新，闻开经济特科，颇有一试意。八月两宫政变，慈禧复临朝，不禁为国运悲矣。九月，率诸生游百家岩，魏晋竹林诸公遗迹也，有游记一篇。

二十五年、己亥、三十三岁，仍馆大韩村。新生有周泰霖、姜鸿勋、薛焕然等廿余人。四月岁科试，崔寅生以县案首与张鼎铭同入泮。月亭补廪生。归途过清化镇（今博爱县城），时方申初，遂偕友人游月山寺。寺为唐刹，清高宗曾驻蹕焉。翠柏满山，根皆出石罅间，大者可二人合围。门联满文不可识。返馆后有游记一篇。夏秋读明鉴，随手评义，集为读史珥言一卷。十一月二弟病于崔家庄馆舍。余宵行三十里，日出而至，先君大哭，亟慰安之。遂留侍汤药，衣不解带者兼旬。病少稳，即与论先儒病中功夫，二弟甚乐。

二十六年、庚子、三十四岁，仍馆大韩村。秋赴优贡试不售。旅店独坐，忆斋中诸弟，为七绝寄之：“月店风摇烛影微，凄凉兀自锁双扉。为询数十从游子，满室呻吟是也非”。

访孙仲和于大梁书院，论学治甚。时潮南黄侍郎曙轩方讲学于明道书院，以步伐程朱，参合陆王为宗，得其钞存，约言两书读之甚快。归与门人讲易，著读易诸爻证史，邮寄仲和求正焉。仲和复遣其族人愈荪来求教，愈荪颇严正有骨格，能面攻吾过，遂引为益友、余教人向奉“敷教在宽”之义。愈荪言“宽而能栗”方得为中，否则失之放纵。余闻之悚然，乃略加整厉焉。是年拳匪大乱，吾怀幸未波及。

二十七年、辛丑、三十五岁，仍设帐大韩村，新生程毅来学、张高清、姬振邦本年科考入泮。正月十九、二十九、二月初九、十四等日均为黄风蔽日，昼为昏，午食举烛，异事也。高平秦文山为拳匪牵挂，避难来修，设帐邻村。余闻而访之，来往极密。文山至孝，念母辄下泪。曾示一绝，余和云：“不为慈帏念他乡，天涯何处不康庄。愿君且拭历山泪，萱荫堂前化日长”。又读其七古寄以一绝云，“新诗读罢屡呻吟，如晤光风霁月人。前有参乎后二曲，一源仁孝接传薪”。又答文山劝善小记云：“如此谆谆爱弟心，桃花千尺水同深。从兹骛马加鞭策，君作苔兮我作岑”。于友人处借夏峰集读之，择其语尤确实者手录一卷，名曰夏峰语粹。倾者盐斤加价，奸商借此牟利病民，因与刘牧皋许硕甫等十余人连名请呈县府惩办奸商，公开谈判，余争辩甚力。县尊甚为动容。本邑赵烈女断指誓天，卒完贞于咸丰之初。乡先辈李肯堂朱乙鸾诸先生为之请于当道立坊旌表。命下而诸先生歿，遂悬搁迄于今兹，将五十年矣。潜德幽光，莫与旌表。刘牧皋为余言之，遂率同志募捐鸠工为建坊于墓门焉。

二十八年、壬寅、三十六岁，设帐大韩村。新生有韩立纶、王瑜之、杨凤九、赵思孝等。张盘铭、程毅、赵思孝均

于本年入泮。先祖母白太孺人一生和厚无遽言怒色，年逾八旬，康强如恒。九月十七日为老人八秩晋四寿辰，余返舍见其精神犹是而面若土色，心知不吉，未敢轻言。十月初七日晨起进早点，方食，忽口流痰涎，无言而逝，俄倾鼻垂玉筋尺许，古所谓得道者将毋是耶？乃与先君商殓葬事，决计不作佛事，不用鼓乐，素席不用荤，一切以朱子家礼行之。世俗或讥其俭，先君不顾也。十一月十八日出殡。葬后每食必荐，三年以为常。本年补行辛丑、庚子两科不赴，诸弟力劝，终不行。

二十九年、癸卯、三十七岁，仍馆大韩村，斋前有二柳，门人于其下砌池，种莲养鱼，余名之曰双柳塘而为之记。门人因号余曰双柳先生。时河北道兼理河务驻武陟，道属河朔书院，致用精舍及修武宁城书院例有月课，余与诸生月必参加，因集资搜购有用书籍，组织文社曰双柳，门人前后加入者盖百余人。余别有记。入冬，土匪渐起，夜聚明散，人心不靖。时邑侯陇右王南轩先生（举人，民初江苏政务厅长，甘肃劝业道）治盗颇有力。余联合延陵九村为团练，村各一旗，旗分五色。每三日齐集东岳庙操练，并向村外要隘放哨，部伍颇整，盖仿戚南塘法而小试之，风声所树，匪果不入吾圉。此事大为王南轩所嘉许。是冬月亭兄弟析居，斋舍将作他用。诸生商于明年移馆新庄张耀中家。余设帐于此十一年矣，月亭二弟二子悉入黉学，有所成就。临别，月亭具酒肴于家，率二弟二子衣冠整肃罗拜堂下，并令弟妇子妇亦来拜谢。月亭言，吾二人相处十余年，无一语齟齬，古人所谓道义之交，宁过此乎？今弟子成就而先生去，吾于淡意之余，不禁悲从中来。言下泪落如倾，在坐悉下泪。余亦

尽量而饮，席终亦为之下泪。越二日归，骊歌载道，高盘铭犹远送二三里，相对挥泪而别。

三十年、甲辰、三十八岁，移馆东新庄。旧生相从二十余人，益以新生张增勋、赵同升、梁福祯等盖三十余人矣。邑南数十村因沁河缺口，沙压田荒。频年试种，业已半熟。本拟呈请纳漕，而王南轩县尊于七月亲来验勘。余备述半熟情形，请分三等纳税，一、全熟之田照纳两税；二、半熟之田亩纳制钱五十文；三、沙压不熟之田缓纳。案定，远近允诺。自光绪己卯以来，每年试种，劣绅从中渔利，乡民负累而利不归公。自此弊端一清。六月初七日次女思容生。八月院试，门人杨凤九入泮。冬与诸生讲说，甚感女子读书识大义者少，乃搜集古代烈女贞妇贤母分三类为女子观感录一卷。门人周泰霖，南玉笙，考入武备学堂，杨凤九考入优级师范学校，程毅考入天津豫学校。

三十一年、乙巳、三十九岁，设帐东新庄。门人梁福祯、张平清、王瑜之、韩立纶、苏克恭及三弟甄庵，均于五月院考入泮。六月，停止科举命下，各处兴办学校。余亦逐渐改良，增加算学史地体操各科。七月，呈请设立高等小学，王南轩亲来考查，见功课完备，学生精神甚好，特蒙嘉许，推为全县之冠。劝学总董卢虎卿先生（举人四川知县）来观光，言之县尊聘充县立小学教员，学生坚留，未就。九月王南轩亲书匾额曰“崇实学校”送来。十月旋里，为先祖、先伯祖筹备立碑事，请孙仲和兄（武陟人，先祖门人，癸卯科举人，杞县知县）撰墓表。于初七日先祖妣三周忌辰树立。家谱自光绪八年先君续修后，至此又二十余年。十二月放假归里，率宗人修谱。旧谱仅有系统，关于户口、田产、功名、职业、

人物等表传均未之备。兹增户口、田产、职业、功名各表，以覩各支之盛衰。增人物，节孝两传，以见先正之典型，并辑祖训碑表为金石志以永其传焉。相传始祖贵公有弟名宽，徙居荥阳京水镇之张庄，爰裹粮携谱与筱山宗臣二叔渡河访之。遍查荥属张氏宗谱无踪迹相似者，乃废然而返。

三十二年、丙午、四十岁。正月卢虎卿先生又来敦请任官立高小教员，诸生坚挽，复辞之。春大旱、四月一雨，沁河又决。是年姚鸿业王敬芳创办中国公学于上海，诸门人愿往者多，皆困于资斧，扼腕而已。予商同张月亭、杨干臣、南仪轩诸先生议组铸英会，联络殷实商号，每次出银五两，供给学生赴外求学。每年行会二次，分批资送。毕业后加倍偿还，由予四人担保，章程定后，商号加入者数十家。六月首次行会，资送张高清、苏克功二人赴上海。予亦散学，与韩立纶。自备川资偕往。六月初八启程，九日自新乡乘京汉路车南下，十日抵汉口，次日登怡和公司船而东。十四日抵沪，即赴中国公学报名。同乡宋筱山招待甚殷，即日应考。晚宿同乡王云亭处，伊亦率学生王季溥、何琢山、陈海明三人来求学，情与余同。明日又同蒙录取入校上课。余入理化科，初至言语不通，数、理、化三门系日人用东语讲授，全恃翻译传导，而译人语言亦半不能解。且无讲义，随堂笔记，实感迎接不暇。势须笔录大意，课后编纂成文。如此数月，方渐入港。十月，与诸同乡组织旅沪学会，印刷章程分寄乡邦，广招来学。十一月，英商福公司谋垄断怀庆诸山矿权，留日学生在东京开会谋抵抗。旅沪学会同人亦通函当道及各方要人，拟于十月初在汴开保矿会。余被推为旅沪保矿会代表，遂抛弃学业，偕韩经亚、陈海明、赵志佛诸君返汴，

十一月二十三日乘日商大利轮首途，二十七日晨抵汉口。与陈海明偕访田香圃先生于汉阳铁厂。先生款以乡味，欢甚，语及保矿事则辞以力薄。二十八日搭京汉车北上，二十九日上午至郑州。雇车赴汴，十二月初二抵开封。遍谒李敏修（汲县人，翰林院编修、河南学务公所所长）、王静波（新乡人，翰林院编修、河南高等大学堂监督）、张忠甫诸先生共商保矿事宜。杨凤九、张盘铭均来照料。初六日开保矿大会，到者千余人，予等依次演说，众皆感愤，乃决定集股先成立试办炼铁厂以为抵制。秦习祉持与邑中诸先生所拟草章来谒，余与磋商，大体略定，唯总协理由官派不合公司法，与争执久之。初八日乘车回修，与月亭同行。初十入城，十二日抵家。先君思余甚，见则流涕。

三十三年、丁未，四十一岁。正月，偕王克允赴山村演说画股。对半开化愚民，与谈国际交涉及英商巨测，矿产被夺等情形，言者已舌蔽唇焦而听者犹若无闻。十八日还城，二十日，在城隍庙开会讨论试办铁厂办法，公举余为各里招股总首领。每到一里由里偕同劝办。复招集铸英会二次行会，集款仍寄张、苏二君。二月至四月历遍各村演说劝股，计五里路，里长杨干臣协助，共招一百二十股；四里路，里长张月亭协助，共招二百余股；二里路，里长李德政协助，共招八十余股；九里路，里长郑董旭协助，共招一百三十余股；×里路，里长卢含英协助，共招一百四十股；六里路，里长马槐堂协助，共招二百股；×里路，里长王作霖协助，共招八十余股；×里路，里长周郁庭协助，共招二百余股；一里路，里长姬庆召协助，共招百余股；十里路，里长张藉甫协助，共招四百余股；八里路，里长马硕甫协助，共招七十余

股，合计一千七百余股。四月初十偕月亭、干臣赴汴，而省保矿会尚无眉目。乃翻然而归，自谋缩小办法，由修武先行试办。会优级师范学校监督李敏修先生专差来邀，委充该校检察官兼代学监官。遂将矿事托付周郁庭，赴汴任职。四月二十日到。六月初放假回修，先君中风已呈半身不遂现象。遂辞师校事专意奉亲。而邑侯林仲良特来敦请担任本县师范传习所主任教员兼试办铁矿事宜。林侯催办各里交股颇力，略有成数，即推张藉甫秦习祉赴汉阳铁厂调查详细办法。又公集股本派郑东旭赴日本学习钻井办法并购机器。不料郑反醉心于电影，而置钻井事于不顾，购来铁筒数节亦化为乌有。人心如此，中国安得不亡！

三十四年，戊申，四十二岁。正月，郑东旭归来，购得电影机一部，试演于邑城东关大王庙。余奉堂上二老及家人同往。先君观日俄战争片异常欣快。但下县人看戏，从来不买票，兹须凭票入场，强梁激愤，几至动武。本年先君入贡，五弟又在覃怀蚕桑学校毕业，双喜临门，遂于三月开贺，修武士绅、门生及乡里来祝者逾千人。五月先君疾又重，偏延中医不效。六月奉先君赴焦作就西医。朝夕侍疾，不解衣者旬余，疾渐轻乃归。八月再赴焦作，住院十余日，不效而返。师范传习所举行毕业考试，遣车来迎，乃赴城，考毕即辞，遣返侍父。分家人为两班，更番休息，如此者四阅月。十月二十日德宗崩，二十二日慈禧太后亦崩。国遭大丧，禁止演戏。本村正月十二日，向有迎神赛会，朝东岳庙进香，外社来会十余起。向例演戏三天，由众户按房捐集，并出款赏赐外社之各色杂耍。久之遂视为应行征收之款。明年即禁演剧，因即商诸社首征得大众同意，自明年起、不再演戏，赏

钱亦裁。

宣统元年，己酉、四十三岁。正月十二。邻社来赛会者其杂剧仍索赏甚急。社中人相觑莫敢承担，咸归咎于余，而与弟甄庵为难。适余在城，言之县尊，派差弹压了事。余于是益叹俗弊之难革也。本年受河内维新学校聘，十六日赴校。二十二日先君病剧，复归。二月朔日病入弥留状态。三日酉时弃养，寿六十二岁。守丧居家，里老多欲兴学，求余主持其事。爰与订定章程，分设四校。张延陵与贾延陵合设一校，邵延陵与王延陵合设一校，东延陵与南延陵合设一校，薛延陵独设一校。学费分上中下三等，百亩以上为上户，学生每人年出学费大钱四千文。五十亩以上为中户，学生每人年出学费三千文。十五亩以上为下户，学生每人年出学费一千六百文。不满十五亩者免费。另由东岳庙，弥勒寺公产酌提若干津贴学校。每年暑假寒假在东岳庙会考，评定甲乙，酌提公款奖其优秀者。章则即订，各学董逐户收集学生，劝导与强迫并施，奔走十余日始就绪。三月初回维新。六月放假归里，举行第一次会考，协同学董发奖，人心颇为振奋。七月仍赴维新。八月中州公学聘充国文教员，意颇犹豫，同事张佑甫促之，乃整衣而去。移时学生闻悉，乃全体出追，约四五里而及，跪留不起，不得已返校。

二年，庚戌，四十四岁。正月，复奉提学使孔祥霖札委充中州公学教员，十八日赴省任职。维新校长韩温如先生追来，跪恳回校，余感其诚乃归。诸生闻之，郊迎数里。呜呼，予果何德而令诸生相从若此，实滋愧矣。二月三日殡先君于村东新阡。三月杜友梅、孙仲和、雷春益三先生来勘矿区，邀余同行。是时铁矿之在修武者均归宏豫公司，在河内

者均归光豫公司，并以试办练铁抵制英人为号召。三先生则拟广招汉沪资本家扩大办理。初入山，山民惊畏不敢出。予奔走开导，示以无他，乃渐接近。因与订立契约，每亩给钱，众遂大悦。六月特诏开选拔试，余以丁忧未赴。门人范乃璠、老友李家骥获隽。八月覃怀中学校长李祥霖特来邀任该校国文教习。维新韩校长愚带优才生随往，始肯放行。九月朔到职，为春秋讲义二卷，先之以联经，次之以论说，次之以应用。十二公之末，各列一年表，分国交、侵攻、战法、典章、名人五栏。读者披卷即可瞭然。

三年，辛亥，四十五岁。正月偕二弟赴怀。二弟考入师范学校。余亦兼授师校国文经学，为之讲尚书。四月，杜友梅因铁矿事，电请赴汴。至则开保矿会而有宏豫公司之轍輶。自宏豫成立余即脱离关系，由豫绅公举王熙陶为总理，秦习祉为协理，借藩库银二万以资提倡。王淳朴为秦所卖，秦握大权，半浪费半入私囊，豫绅大哗。保矿会既开，众议改选总协理，王秦不服。予多方开导，始交出钤记，公举杜友梅为总理，孙仲和为协理，省方派靳荫南为交代委员。予同杜孙二人回修清理交代事。修人惑于秦之鼓煽，坚不承认。予往来开导，舌结唇焦，三昼夜然后解决。秦之交代既清，复劝杜孙暂发修民股息一次以示信用。纠缠十余日乃得脱身归校。五月考岁贡，七月揭晓，未领出身贡单，而武昌革命起。覃怀学生武振邦有士也，每阅其文辄觉奇横不可掩抑。八月二十九日忽告假去，学校询其家人始知失踪，盖已赴鄂投效革命军矣。学生渐不能安心上课，九月下旬旋里。十一月，省宪来缉捕王月波，以其在汴鼓吹革命也。予连合友人为集川资使赴沪。十二月二十六日为长男价庠授室。价